

en mon absence de l'Estime que Dieu luy auoit Inspirée de sa foy, mais Il continua tousjours dans ses bonnes pratiques Et Etant tombé du haut d'un arbre a terre ou Il se brisa tout le corps Il souffrit son mal durant 50 Iours quil survécut a Sa chute avec grande patience ainsy que les chretiens men ont asseuré, Il les fit souvent assembler pour prier Dieu pour luy sur tout aux approche de la Mort & ordonna quapres son deceds on planta une Croix sur son tombeau pour marque quil uouloit mourir chretien et quil ne reconnoissoit pour ses veritables parens que Ceux qui seroient chretiens comme luy cestoit La Coutume de ces pauures chretiens orphelins de sassembler et prier ainsy les uns pour les autres surtout dans les maladies & dans les diuers accidens qui leurs arriuoient. Ceux mesme qui ne lestoient pas les Imitoient & faisoient de petits festins pour les assembler et faire baptiser leurs Enfans, & trouuer par leurs prieres quelques remedes a leurs maladies soit du Corps soit desprit, dautres me tesmoignoient quelq<sup>o</sup>. fois combien mon absence leur auoit donné de peine nayant personne avec qui Ils peussent vrayment se consoler ou qui put guerir leurs consciences Et qui se trouuoient souuent blessees au milieu d'une nation peruerse & dans un estrange bouleversement d'Esprit ou les Ennemis de la foy et des francois portoient tout a la guerre, mais venons [a] la decision de mon procez.

L'armée des Iroquois qui fit le Coup de la [*blank space in MS.*] Estant de retour Il sa trouua quil y en auoit trois de cette nation qui y estoient demeurez entre autres un Capitaine considerable qui sestoit enyuré et fut tué dans une Caue Il ne voulut pas se